



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e-mail: info@voda.ba

Broj: **UP-1/21-2-40-546-2/24**
Datum: **10.12.2024. godine**

«Agencija za vodno područje rijeke Save» Sarajevo rješavajući po zahtjevu Investitora Zulić Bahrije iz Kalesije za donošenje rješenja o vodnoj saglasnosti za ispuštanje tehnoloških otpadnih voda sa lokacije samouslužne autopraonice koja se planira graditi u koja se planira graditi u naselju Memići, Općina Kalesija, na osnovu člana 139. stav (1) tačka 3. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Investitoru Zulić Bahriji iz Kalesije daje se vodna saglasnost za ispuštanje tehnoloških otpadnih voda sa lokacije samouslužne autopraonice, koja se planira graditi na zemljištu označenom kao k.č broj: 2731 K.O Memići, Općina Kalesija, u skladu sa projektnom dokumentacijom:
 - Glavni projekat snabdijevanja vodom i dispozicija otpadnih voda za potrebe samouslužne autopraonice, urađen od strane „ATRIUS PROJEKT“ d.o.o. Živinice, broj: I-240-10/24, oktobar 2024. godine.

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva koja čini sastavni dio ovog Rješenja, a ista se, ovjerena od strane ove Agencije, vraća podnosiocu zahtjeva na trajno čuvanje. Vodna saglasnost se donosi na temelju utvrđenog činjeničnog stanja, kako slijedi, prema uslovima iz Rješenja o navedenoj prethodnoj vodnoj saglasnosti:
 - 4.1. Radove na izgradnji sistema za prikupljanje, tretman i ispuštanje otpadnih voda sa lokacije samouslužne autopraonice izvesti u skladu sa projektnom dokumentacijom iz tačke 1. dispozitiva ovog Rješenja.
 - 4.2. Način ugradnje separatora i stavljanje istog u pogon uskladiti sa uputama proizvođača opreme u svim fazama.
 - 4.3. Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).
 - 4.4. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 4.5. Prilikom izvođenja radova treba koristiti opremu i mašine koje su tehnički ispravne, bez nekontrolisanog isticanja tečnih goriva, maziva, hidrauličkog ulja i sl.
 - 4.6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
 - 4.7. Podnosilac zahtjeva je obavezan ispoštovati uslove iz Rješenja o urbanističkoj saglasnosti donesenog od strane od strane Službe za prostorno uređenje, geodetske i imovinsko prave poslove Općine Kalesija, broj: 02/2-1-19-1-2576/23 od 08.10.2024. godine.

5. Ukoliko izgradnjom predmetnog objekta dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Pravno lice je obavezan uzroke štete otkloniti, a procijenjenu štetu nadoknaditi.
6. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za ispuštanje tehnoloških otpadnih voda u prirodni recipijent sa lokacije samouslužne autopraonice. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19, 41/20 i 63/22).
7. Korisnik ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
8. Ovo rješenje o vodnoj saglasnosti se može izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
9. Ova vodna saglasnost prestaje važiti istekom roka od dvije godine od dana pravosnažnosti iste, ukoliko u tom periodu ne bude pribavljeno odobrenje za građenje i započeti radovi.

Obrazloženje

Investitor Zulić Bahrija iz Kalesije se pismenim putem obratio ovoj Agenciji sa zahtjevom za donošenje rješenja o vodnoj saglasnosti za ispuštanje tehnoloških otpadnih voda sa lokacije samouslužne autopraonice koja se planira graditi u na zemljištu označenom kao k.č broj: 2731 K.O Memići, Općina Kalesija.

U prilogu zahtjeva podnosilac je dostavio slijedeću dokumentaciju:

- Kopija lične karte;
- Kopija Rješenja o urbanističkoj saglasnosti donesenog od strane od strane Službe za prostorno uređenje, geodetske i imovinsko prave poslove Općine Kalesija, broj: 02/2-1-19-1-2576/23 od 08.10.2024. godine;
- Rješenje o odbijanju broj: 04/1-13-21-30659/24 od 30.09.2024 godine, izdatog od Ministarstva poljoprivrede, šumarstva i vodoprivrede – Tuzlanski Kanton;
- Kopija rješenje o prethodnoj vodnoj saglasnosti donesenog od strane Agencije za vodno područje rijeke Save, broj: UP-1/21-1-40-337-5/24 od 24.09.2024. godine;
- Glavni projekat snabdijevanja vodom i dispozicija otpadnih voda za potrebe samouslužne autopraonice, urađen od strane „ATRIUS PROJEKT“ d.o.o. Živinice, broj: I-240-10/24, oktobar 2024. godine;
- Revizija glavnog projekta snabdijevanja vodom i dispozicija otpadnih voda za potrebe samouslužne autopraonice, urađen od strane „TZI“ d.o.o. Sarajevo, oktobar 2024. godine.
- Dokaz o uplaćenju upravnoj pristojbi.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku utvrđeno je slijedeće:

- Provođenje aktivnosti na izgradnji predmetnog objekta usklađeno je sa planskim dokumentima (izdato Rješenje o urbanističkoj saglasnosti) i nije u koliziji sa interesima sektora voda.
- Lokacija na kojoj je planirana izgradnja samouslužne autopraonice nalazi se na zemljištu označenom kao k.č broj: 2731 K.O Memići, Općina Kalesija.
- Parcele na kojima se planira graditi predmetni objekat ne nalazi se u vodnom dobru i poplavnom području vodotoka I kategorije.

- U projektnoj dokumentaciji su predviđene i detaljno opisane dodatne i standardne mjere zaštite u III zoni zaštite izvorišta „Krušik“ koje će se morati obavezno provoditi putem zabrana, ograničenja i drugih oblika kontrole ljudskih aktivnosti radi smanjenja rizika od zagađenja izvorišta ili drugih uticaja koji se mogu nepovoljno reflektovati na stanje izvorišta, njegovu izdašnost, kvalitet i zdravstvenu ispravnost vode.
- Tehnološke otpadne vode sa predmetne lokacije će se prikupljati putem linijskog slivnika sa slivnom rešetkom i internom kanalizacionom mrežom odvesti na tretman do separatora ulja i naftnih derivata, te preko okna za monitoring ispuštati u bezimni potok.
- Projektna dokumentacija, dostavljena uz zahtjev, urađena je od strane pravnog lica „ATRIUS PROJEKT“ d.o.o. Živinice, broj: I-240-10/24, oktobar 2024. godine, koje ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste „A“).

U dokaznom postupku utvrđeno je da je projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-1/21-1-40-337-5/24 od 24.09.2024. godine, te je shodno članu 114. Zakona o vodama upisivanjem broja i stavljanjem otiska pečata Agencije za vodno područje rijeke Save na projektnu dokumentaciju: Glavni projekat snabdijevanja vodom i dispozicija otpadnih voda za potrebe samouslužne autopraonice, urađen od strane „ATRIUS PROJEKT“ d.o.o. Živinice, broj: I-240-10/24, oktobar 2024. godine, data vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog Rješenja, propisani uslovi u skladu sa odredbama člana 114. Zakona o vodama i člana 7. Pravilnika o sadržaju, obliku, uvjetima načinu izdavanja i čuvanja vodnih akata, koje je potrebno ispuniti prilikom izvođenja predmetnih radova.

Podnosilac zahtjeva je uplatio upravnu taksu u iznosu 60,00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl. novine FBiH“ broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević B.Sc.ing.građ.

Prilog:

- Glavni projekat snabdijevanja vodom i dispozicija otpadnih voda za potrebe samouslužne autopraonice, urađen od strane „ATRIUS PROJEKT“ d.o.o. Živinice, broj: I-240-10/24, oktobar 2024. godine.
- Revizija glavnog projekta snabdijevanja vodom i dispozicija otpadnih voda za potrebe samouslužne autopraonice, urađen od strane „TZI“ d.o.o. Sarajevo, oktobar 2024. godine.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ

Dostaviti:

- Zulić Bahrija, ul. Mijlanovci b.b., 75260 Kalesija (prilog)
- Ⓞ AVP Sava, ISV - vodna knjiga
- Org.jed. 40 – arhiva
- Oglasna ploča – AVP Sava